

Fedje Kommune
Stormarkvegen 49
5947 FEDJE

Fedje 19.01.2023

KLAGE PÅ VEDTAK – TILDELTE KULTURMIDLAR FOR 2022 - VESTTUN BYGDELAG

Me viser til dykkar brev, referanse: 22/422-23/31, Fordeling av kulturmidlar 2022.

Vesttun bygdelag vil med dette klage på kommunen sitt vedtak. Tildeling av kulturmidlar til bygdelaget er, etter vår oppfatning, teke på feil grunnlag.

I vurderinga for tildelinga står det: «Bygdelaget har få eige arrangement og driv i stor grad med utleige og drifting av bygg».

Vesttun Bygdelag er *«eit ideelt lag som ynskjer å skapa engasjement og levande lokalmiljø til beste for bygda»*. Dette er vår formålsparagraf.

Vesttun bygdelag driv i hovudsak med arrangement av ulike tilstellingar for folket på Fedje, og i liten grad med utleige av bygget. I 2022 hadde me 8 arrangement og 4 utleige av huset. Aktivitetane var kafe og bar i samband med revyhelga til Fedje Teaterlag, fleire dansetilstellingar med orkester, pub-quiz kvelder med bar og musikk, julebord, samt ei salsmessa. Bruttoinntektene frå utleige utgjer berre omlag 5% av bruttoinntektene frå aktivitetane i bygdelaget. Slik me oppfattar kommunens vurdering av bygdelaget sin søknad vert §11 i tildelingsreglementet tillagt for stor vekt. Me har forståing for at dette kan skuldast på manglande informasjon om bygdelagets faktiske aktivitet, men me tenkte nok at den var allmenn kjent.

I 2022 hadde bygdelaget 83 medlemmer. Alt arbeid som vert lagt ned av medlemmane i samband med eigne aktivitetar og vedlikehald av huset, er basert på dugnad. Tradisjonelt har ungdomslag/bygdelag ofte eigne hus. Økonomisk sett lønar det seg å ikkje eige eit hus, og med det sleppe utgiftene som føl med. Det vil for vår del òg vera meir lønsamt og ikkje driva med utleige, men det meiner me vil vera negativ for bygda. Me meiner det er eit gode for fedjefolket å ha fleire lokalar tilgjengeleg. Me er heldig som har «Ungdomshuset». Det er mykje identitet og tilhøyrgheit i huset som bind fedjefolket saman på tvers av generasjonar. Huset er mykje av eksistensgrunnlaget for bygdelaget, og ein viktig del av historia til bygda vår. Me meiner at me i aller høgste grad driv med bygdekultur og opplever at folket på Fedje set stor pris på aktivitetane me tilbyr.

Det er krevjande å halde i liv i bygdelag og hus, og me treng all den støtte me kan få. Me vonar med dette at kommunen vil revurdera saka og auke tildelinga av kulturmidlar for 2022 til Vesttun bygdelag.

Med helsing

Vesttun Bygdelag

v/Oddny Stokholm
leiar

Adresse: Vesttun bygdelag v/Hans Kahrs, Mulevegen 98, 5947 Fedje